

առտնին կյանքի մեջ և՛ արվեստի մեջ¹⁰², մի այլ տեղ՝ բաժրակը¹⁰³, կամ այլ բուսական տեսակը¹⁰⁴ կամ վուշը¹⁰⁵: Իսկ Մերձավոր արևելքում, նաև Հայկական լեռնաշխարհի բոլոր մասերում բուրդն է, որ կարևոր դեր է խաղացել և իր թելի բնույթը դրոշմել է նաև, օրինակ, այնպիսի գեղարվեստական արտադրանքների վրա, ինչպես գորգերն ու ասեղնագործած զգեստները, խաչքարերն են և նրանց քանդակները: Կարելի է ասել, որ Հայկական լեռնաշխարհի նախնական կուլտուրան, սկսած շատ հնագույն ժամանակներից մինչև միջնադարի սկզբնավորությունը, հնարավոր է անվանել բրդային: Վուշը չկարողացավ և չի կարողանում Հայաստանում այսօր էլ բրդից խել նրա առաջնակարգ նշանակությունը: Հայկական կենցաղի մեջ վուշը գերազանցորեն յուզատու, ոչ թե թելատու բույս է և ցանվում է գլխավորապես ձեթ ստանալու համար: Զանգեզուրումն էլ նա բոլորովին չի ճանաչվում որպես թելատու բույս, և վուշի մշակումը թեև ստանալու նպատակով տեղում ծանոթ չէ, մինչդեռ բրդի մշակման ձևերը բազմազան են և մասնավորապես թելագործությունը հասնում է բարձր կատարելության:

Ոչխարը խուզում են հատուկ մկրատով, դա շօբանի մասնագիտությունն է: Գարնան խուզածը, մրծապսօրը՝ մեծաբուրդը գործ էր անում գորգերի, շալի՝ շուխայի, շալվարի, կանանց և տղամարդկանց գոտիների համար:

Կանոնէր խօզում ըն ամառը: Գառան բուրդը նույն նպատակների համար էր գործադրվում, երբ ուզում էին ավելի նուրբ գործվածք ստանալ:

Աշնան սկզբին խուզածը՝ դրլանը, ավելի կոպիտ լինելով՝ ֆիշա ըն ֆցոն, դցում, չրվալ, սիջիմ և այլ նման իրեր էին շինում: Աշնանը հոտը նախ քշում էին առվի կամ գետի մեջ, լավ լողացնում և ապա խուզում, սակայն այդ դրլանն էլ կանայք նորից էին լվանում, ինչպես մրծապսօրը:

Լվանում էին բուրդը նախ տանը տաք ջրով և ապա տանում կէտը ֆաշըմ մի կարպետի վրա փռելով և ծեծելով, մինչև ճուրճ՝ ջուրը պարզվի: Ապա թաղ բուրդը փռում էին մի կարպետի վրա արևի տակ և համարյա չորացած վիճակում սկսում հատ անել նրպուտավ՝ ճիպոտով ծեծել: Լավ չորացած բուրդը կնօզրմ ըն՝ գզում են սանդեֆի¹⁰⁶ վրա. դրա համար հրավիրում էին հարևաններին միջի՝ փոխադարձ օգնության: Հրավիրվածները գալիս էին իրենց սանդեֆեֆեֆավ: Տանտիրուհին այդ օրերը պետք է նրանց լավ հյուրասիրեր: Միջիի երգեր չեն ստեղծվել, գզում էին իրար հետ հանաքներ անելով և անեկդոտներ պատմելով:

Սանդեֆի վրա գզելուց հետո բուրդը ֆօլ էին անում (մեծ-մեծ գունդ անում):

Գօշակի՝ ներքնակի և յօրղանի՝ վերմակի բուրդը չէին գզում, առաջինը շինում էին դրլանից, երկրորդը՝ մրծապսօրից, ինչպես և պարցէր՝ բարձերը:

Բուրդը ֆիշայի՝ թաղիքի համար գզելու կանչվում էին մասնագետ կրգօղնէր. այդ հմտությամբ հռչակված էին մանավանդ խնձուրկէջիֆ՝ խնձորեսկեցիք, որոնք ման էին գալիս գյուղի գյուղ իրենց հանէղն՝ աղեղն ու շաֆր՝

102 Զինաստան, Հնդկաշին, Ճապոնիա:

103 Հնդկաստան:

104 Պոլինեզիա և առհասարակ Օվկիանիա:

105 Միջին ուսական շրջանները, գերմանական ցածրությունը, մինչև Բելգիա և հյուսիսային Ֆրանսիա:

106 Մեղրու շրջանում՝ սա՛նդաֆ: